



Ծրագիրը համաֆինանսավորվում է Եվրոպական միության կողմից



Իրականացնող՝ Ինֆորմացիայի ազատության կենտրոն



Գործընկեր՝ Եվրոպական լրագրության կենտրոն



## ՄԱՍՈՒԼԻ ՀԱՂՈՐԴԱԳՐՈՒԹՅՈՒՆ

26 սեպտեմբեր, 2018թ.  
ք.Երևան

**«Տեղեկատվության մատչելիություն և հետաքննական լրագրություն առավել իրազեկված քաղաքացիների համար» ծրագրի բացման և գլխավոր վերապատրաստման դասընթացի մեկնարկ**

2018 թվականի սեպտեմբերի 27-ին, ժամը 10:00-ին Անի Պլազա հյուրանոցի «Անի» սրահում (հասցե՝ Երևան, Սայաթ Նովա 19) «Ինֆորմացիայի ազատության կենտրոն» հասարակական կազմակերպությունը կազմակերպում է Եվրոպական միության կողմից համաֆինանսավորվող «Տեղեկատվության մատչելիություն և հետաքննական լրագրություն առավել իրազեկված քաղաքացիների համար» ծրագրի բացման արարողությունը, ինչպես նաև մեկնարկում է ծրագրով նախատեսված գլխավոր վերապատրաստման դասընթացը: Ծրագիրն իրականացվում է Մասսոնիստում գործող Եվրոպական լրագրության կենտրոնի հետ համագործակցությամբ:

Միջոցառմանը բացման խոսքով հանդես են գալու Հայաստանում Եվրոպական միության դեսպան Պյոտր Սվիտալսկին, Ինֆորմացիայի ազատության կենտրոն ՀԿ-ի նախագահ Շուշան Դոյրոյանը: Արարողությանը մասնակցելու են Եվրոպական լրագրության կենտրոնի միջազգային փորձագետներ, ինչպես նաև ներկայցուցիչներ ԵՄ-ից, քաղաքացիական հասարակության կազմակերպություններից և լրատվամիջոցներից:

Գլխավոր վերապատրաստման դասընթացի մեկնարկին ելույթներով հանդես են գալու ծրագրում ներգրավված փորձագետները՝ ներկայացնելով ծրագրի ընթացքում իրենց կողմից իրականացվող մարզային դասընթացների բովանդակությունը:

Միջոցառման ավարտին ՔՀԿ և լրատվամիջոցների ներկայացուցիչները հնարավորություն կունենան ծրագրին առնչվող իրենց հետաքրքրող հարցերը քննարկել բանախոսների հետ:

Պետական բյուջեն կառավարական ամենակարևոր գործիքներից է, որի միջոցով իրականացվում է կառավարության քաղաքականությունը: Այնինչ, Հայաստանի շատ քաղաքացիներ, հատկապես երիտասարդները, տեղյակ չեն, թե ինչպես է պետական բյուջեն ծախսվում: «Տեղեկատվության մատչելիություն և հետաքննական լրագրություն առավել իրազեկված քաղաքացիների համար» ծրագիրը նպատակ ունի ապահովել, որպեսզի լրագրողները և քաղաքացիական հասարակության կազմակերպությունները ստեղծեն և տարածեն մատչելի տեղեկություններ և հոդվածներ, ինչպես նաև նպաստեն Հայաստանում բյուջետային միջոցների բաշխման և ծախսման վերաբերյալ իրական հանրային քննարկմանը:

Ծրագրի նպատակն է ամրապնդել քաղաքացիական հասարակության վերահսկողական գործառույթը, մասնավորապես ԵՄ-Հայաստան հարաբերություններին շրջանակին առնչվող ոլորտներում պետական բյուջեի վերահսկողությունը, ինչպես նաև՝ երիտասարդների շրջանում հետաքննական լրագրության խթանումը:

---

Կոնտակտային անձ

**Աստղիկ Վարդանյան**

Ծրագրի հանրային կապերի պատասխանատու

Հեռ.՝ +374 (93) 64 07 57

Կայքէջ՝ [www.foi.am](http://www.foi.am)

ՏԲ՝ @FOICenterArmenia